

**"Қарой ЖМ" КММ Қамқоршылық кеңес мүшелерінің
№1 хаттамасы**

30.10.2023ж

Қатысқандар - 11 адам

Күн тәртібі

1. I тоқсандағы үлгерім қорытындысы (Бюрабекова Г.З директордың оқу ісі жөніндегі орынбасары)
2. Тәрбие жұмысы бойынша I тоқсанда өткізілген іс-шаралар туралы ақпарат. (Есмаганбетова С. Ж. директордың тәрбие ісі жөніндегі орынбасары)
3. Тамақтану сапасын ұйымдастыруды бақылау
4. Жасөспірімдердің арасындағы құқықбұзушылықтың алдын алуы.

1. Бірінші сұрақ бойынша директордың оқу ісі жөніндегі орынбасары Бюрабекова Г.З тыңдалды:

Бюрабекова Г.З Қамқоршылық кеңес мүшелерінің назарына I тоқсандағы үлгерім қорытындылары туралы жеткізді. Қарой мектебі бойынша 2023-2024 оқу жылының I тоқсанында 2-11 сыныптарда барлығы 74 оқушы оның ішінде 1 оқушы үлгерімін ескере отырып, үйде оқиды (Мухтарова Карина, 9 орыс сыныбының оқушысы). 2023-2024 оқу жылының I тоқсанында білім сапасы 54.8 % құрады, 4 үздік, 36 жақсы оқитын оқушылар анықталды. Оқушыларымыз көптеген аудандық, мектепшілік олимпиадаға қатысып жүлдері орындарға ие болды. Атап өтсек: «CLEVER-2023» Жунусова Адина 1 -орын, Боранкүл Айкын - 2-орын, Аманжол Мерей 3-орын, Жанжол Оразхан 3-орынға ие болды. «Кенгуру- математика для всех» халықаралық олимпиадада Жанжол Оразхан 3-орынға ие болса, « Алтын сақа» олимпиадасына мектебімізден 9 қатысып 3 жүлдері орынға ие болды. Мұғалімдер оқушылармен қосымша, жеке жұмыстар жүргізді. Оқушылардың білім сапасын арттыру мақсатында келесі жұмыстар жүргізіледі: үлгерімі нашар оқушылармен жұмыс, оқушылармен жеке сабақтар, кеңес беру сабақтары, дарынды оқушыларды пәндік олимпиадаларға, зияткерлік конкурстарға дайындау бойынша жұмыстар жүргізіледі. Сабақтардағы мұғалімдер оқу процесін ұйымдастырудың әртүрлі формаларын қолдана отырып, танымдық іс-әрекетті ынталандыру үшін жағдай жасайды. Ата-аналарды оқу процесіне тартады. Аттестацияланбаған және I тоқсанда үлгермейтін оқушылар жоқ.

Шешімі: 1.2. Ақпаратты назарға алыңыз.

1. Пән мұғалімдеріне оқыту сапасын арттыру бағытында оқушылармен сараланған жұмыс жүргізу.

2. Бір "4" және бір "3" бар оқушылар назарға алынсын және назар аударылсын.

2. Екінші сұрақ бойынша Есмаганбетова С. Ж., директордың тәрбие ісі жөніндегі орынбасары тыңдалды.

Биылғы оқу жылы Қазақстан Республикасы Оқу ағарту Министірлігінің «Біртұтас тәрбие бағдарламасын» іске асыру бойынша Мемлекеттік құзырлы органдармен бірлескен 2023-2024 оқу жылына арналған Кешенді жоспар бойынша тәрбие жұмысы іске асуда. «**Біртұтас тәрбие бағдарламасы**» – ұлттық, адами құндылықтарға негізделген. Бұл құжатта білім беру ұйымдарындағы тәрбие жұмысын толыққанды жүзеге асыру үшін білім алушылардың бойында қалыптастырылуы тиіс құндылықтар мен тәрбиенің мақсаты, міндеттері айқындалады. Жалпыадамзаттық және ұлттық құндылықтарды бойына сіңірген, әлемдік озық білімді игерген саналы азаматты тәрбиелеу мақсаты көзделеді.

Сонымен қатар мектебімізде « Өнегелі өмір жобасы» I тоқсан бойынша екі кездесу өтті, «Оқуға күштар мектебі» өз жұмыстарын жалғастыруда. Биылғы оқу жылынан бастап Қазақстан Республикасы оқу-ағарту министірлігінің 2023-2024 оқу жылына арналған «Бірінғай білім беру бағдарламасы» іске асырудың кешенді жоспарының жобасында

дүйсенбі күні бірыңғай сынып сағаты болып белгіленген, әр сыныпта сынып сағаттар жоспар бойынша өтуде. 1 тамыздан -30 қыркүйекке дейін Республикалық мектепке жол акциясы ұйымдастырылып 10 оқушыға мектеп оқу-күрал жабдықтар әперілді. Демеушілеріміз: ауыл дүкендері, мұғалімдер ұжымы. 1 қыркүйек - ілім күні «Мектеп – мейірім мекені» атты салтанатты жиын өтті, жыл қортындысы бойынша мектебіміздің ағылшын тілі пәнінің мұғалімі Андреенко Татьяна Владимировна мен бастауыш сынып мұғалімі Түйтебекова Гульзипа Жаксылыковна облыстық білім басқармасының алғыс хаттымен марапатталды. 5 қыркүйек Қазақстан халқы тілдер күніне арналған А.Байтұрсынұлының туған күн мерекесін атап өтуге байланысты «Тіл –кемел болашақ тұғыры» атты саптық жиын өтті, ашық диктант өткізілді. Қазақстан Республикасының Конституция күніне арналған футболдан жарыс өтті, кітап көрмесі ұйымдастырылды. 18 қазан Рухани келісім күніне ауылымыздың имамы Максұтов Сыздық Максұтұлымен кездесу ұйымдастырылып, оқушылар өз толғандырған ойларымен бөлісті. Республика күніне арналған тәрбие сағаттары, кітап көрмесі, дебат ойындары өтті. 25 қазан Республика күніне орай Нұра білім бөлімінің ұйымдастыруымен білім беру мекемелерінің арасында өткен қолөнер көрмесіне мектебіміздің оқушылары қатысып, көрсеткен жақсы нәтижелері үшін білім бөлімінің басшысы Есмағанбетов Арарат Мылтықбаевичтың алғыс хатымен марапатталды. Нұра ауданы білім бөлімі ұйымдастырған « Жаңа Қазақстан, Таза табиғат», «Әнұран орындау» челленджеріне мектеп ұжымы мен оқушылары белсене қатысты. 29 қазан қамқоршылар күніне арналған «Жылы сезім» атты іс –шара өтті, мектебіміздегі қамқоршы ата –анаға құрмет көрсетіліп, мектеп директоры Туякова Н.Б алғыс хатпен марапаттады. Өткізіліген іс – шаралар мектепшілік инстаграм, фейсбук парақшаларына жарияланып отырады.

3-сұрақ бойынша мектеп директорының тәрбие ісі жөніндегі орынбасры Есмағанбетова С.Ж тыңдалды:

Тамақтану сапасын тексеру мақсатында мектеп асханасының мәзірімен танысып тексеру жұмыстары ұйымдастырылып отырады. Тамақтануды ұйымдастырдың жауапкершілігі және тамақ сапасын күнделікті дайындалуы, оқушылардың толықтай тамақтануы бойынша тәрбие ісі жөніндегі орынбасарың бақылауында. Сонымен қатар ашықтықты қамтамасыз ету барысында сайланған бракераждық комиссия мүшелері бар. Асханада мектеп бойынша 39 бала тамақтанады оның ішінде жалпы оқуға қамтылған балалардың саны-7, 1-4 сынып балаларының саны - 32. Күнделікті бракераж комиссиясының мүшесі Жукенова К.М таңғы және түскі тамақ бермес бұрын дәмін, мөлшерін бақылап отырады. Арнайы бекітілген уақыт бойынша оқушылар екі ауысымда тамақтанады. Бракераждық комиссия мүшелері белгіленген уақыттарында оқушылардың тамақтануын бақылап, өздерінің арнайы дәптерлеріне пікір ұсыныстарын жазады.

Шешімі: Тамақтану сапасы үнемі бақылауға алынсын

4- сұрақ бойынша қамқоршылық кеңестің мүшесі, бракераж комиссиясының мүшесі Жумашева Р тыңдалды:

Біз комиссия мүшелері әр айдың 19 жұлдызында мектептегі ыстық тамақтың берілу жағдайын бақылап отырамыз. Тексеріс барысында тамақ даярлау блоктары, ыдыс жуатын бөлме, азық-түлік сақталатын қоймалар, жалпы асхананың санитарлық нормалары тексерілді. Сонымен қатар дайындалған тамақтың сапасы, салыну мөлшері, с-витаминдеу журналының жүргізілуі, тамақты әзірлеу технологиясының орындалуы, тамақтың тәуліктік үлгілерінің алынуы, оқушылардың тамақтану режимінің орындалуы тексерілді. Тексеріс қорытындысы бойынша асхананың жағдайы жақсы деп бағаланды. Асханаға сыныптар кестеге сәйкес кезекпен кіреді. Ыдыстар жеткілікті, сынған ыдыстар жоқ. Жалпы асхананың жұмысы талаптарға сай жүргізіледі.

Шешімі: мектеп асханасының жұмысы қанағаттандыларлық Тыңдалды:

Күн тәртібіндегі мәселе бойынша мектеп директорының тәрбие ісі жөніндегі орынбасары С.Ж Есмағанбетова сөз бастады. «Бүгінгі күнгі қоғамның алдында тұрған басты

міндеттердің бірі -балалар мен жасөспірімдер арасындағы құқық бұзушылықтың алдын-алу, кәмелетке толмағандар арасындағы қылмыстың өсуіне жол бермеу. Құқық бұзушылықты болдырмау мақсатында оқу жылының басынан бері біздің мектебімізде жоспарға сай жұмыстар атқарылып келеді. Оқушылар арасындағы құқық бұзушылық пен қылмыстың алдын алу мақсатында мектепте құқықтық тәрбие мен құқық бұзушылықтың алдын алу жөнінде кеңес жұмыс жасайды. Әр ай сайын кеңес отырысы болып өтеді. Мектепте наркологиялық бекеттер жұмыс істейді. Сонымен бірге, бүгінде мектебімізде бірнеше спорттық үйірмелер жұмыс жасайды, сынып сағаттары, дөңгелек үстелдер, кітап көрмелері құқық тақырыбында өткізіледі. 27 қазан Нұра ауданы ішкі істер басқармасының инспекторылары полиция лейтенанты Сағадилбеков А.Ж, Тамаев С.Ж және Қарой ауылының учаскелік инспекторы полиция лейтенанты Ұлан Нұрбекұлы Мереке мектебіміздің 8-11 сынып оқушыларымен жүздесіп «Бопсалау», «Балалар суициді және тәуекелділікке апаратын факторлар», «Кәмелетке толмағандардың құқықтық жауапкершілігі», «Кәмелетке толмағандардың әкімшілік және қылмыстық жауаптылығы», «Отбасындағы тұрмыстық зорлық-зомбылық» тақырыбында дәріс оқыды. Дәріс оқу барысында мектеп оқушылары өздері толғандырған әртүрлі сұрақтарын қойып жауап алды. Азаматтың міндеті - заң талаптарын бұзбау, екінші жағынан өзіне жүктелген міндетін орындау. Өйткені заң дегеніміз - өмірдің нәрі. Сонымен қатар, ата-аналардың баланы күтіп-баптаудағы жауапкершілігі мен міндеттеріне де жеке тоқталып кетті. «Жоғарыда аталған заңды нормативтік құжаттардың мақсаттары мен міндеттерін толық баяндап жеткізуде жастар арасында тәртіп орнату, тұлғалардың дербес жауапкершілігін арттыру, қылмысты болдырмау жолдарын дамытып, жандандыру ол сіздермен біздің бірлесе отырып, яғни мектеп пен ата-ана болып жұмыс жасағанда ғана жүзеге аспақ. Сонда жасөспірімдер арасындағы құқық бұзушылықтар азайып балаларымыз құқылы, дербес ортада өмір сүреді» деп, сөзін аяқтады.

Қаулы етті:

1. Жасөспірімдер арасындағы құқықбұзушылықтарының алдын алу шаралары ата-аналар тарапынан қатаң назарға алынсын.

Төрайымы – Кабиев Серик Кашкенбаевич – кәсіпкер
Хатшы – Есмаганбетова Салтанат Жаксылыковна – тәрбие жөніндегі орынбасары
Мүшелері: Тулегенова Жумагуль – кәсіпкер
Шуленбаева Т.Г. – Карой ауылының әкімінің аппаратының маманы
Смаилов С.Б. – Карой ауылының әкімінің аппаратының бас маманы
Баисейтова А.Б. – медбике
Жумашева Р. – ата-аналар комитетінің төрайымы
Тютебеков Д - кәсіпкер
Нашарбекова А – кәсіпкер
Нурмагамбетова Ф.М. – мәдениет үйінің меңгерушісі